

日本藏中國罕見

地方志

叢刊續編

北京圖書館出版社

香江新書
PDG

殷夢霞
選編

日本藏中國罕見

地方志

叢刊續編

第 10 冊

北京圖書館出版社

第十冊目錄

【康熙】建寧府志(五) 一

【永曆】寧洋縣志 五四一

弘治府志序

明 趙 二 興

弘治六年陝月建寧府志書成將梓行焉金揭此
志自宋人守韓元吉修纂以至於今蓋歷三百
年而始復成書則成之固甚難而其數亦不偶
也以余忝司志事不可無言竊惟志史屬也史
則記言事書而書則無所不載大則山川之勝
也人物之盛也古今沿革之故也非志則文獻

不足雖善無不徵矣況建寧爲郡地居閩上游
北連浙江西接江右地大物衆高帝彊理天下
特設行都司於建以嚴保障今皇帝又特勅憲
臣分司於建以專彈壓則此郡爲要衝重地固
非他郡可比而山川形勢則有梨嶺之高建谿
之險武夷九曲之清奇鍾而爲人則五劉之勲
蔡三胡之道德淵源有自篤生朱子遂成斯道
之統不惟升閩與瀟洛並稱於天下而建溪閩
之水秀亭之地且將與洙泗關里同盛當是時

蔡季通父子則見而知之真文忠公則聞而知之蓋自孔曾思孟以來千五百年而再見於此至於名臣碩輔如楊文公章文憲公之于宋楊文敏公之於我明表表偉偉為一代殊絕人物則建之於天下豈可小之哉以是縉紳大夫遐思武彛之勝而仰慕朱子之道思欲一至其地耐心賞而訪遺跡有不可得者其或至焉欲求圖志以窮披閱則無有也況列邑疆土之廣狹土田之瘠肥曰賦之寡多習俗之美惡民性之

強弱關隘之險易又有官者所貴以施政教而
天賢正學先哲流風尤後生小子之所取法而
是書缺焉豈非作郡者之責耶于是謀諸二守
山陰周君宜甫敦禮肅幣延聘儒碩用圖編輯
纂則屬之壽邑學諭賈君暹校正則屬之鄉大
夫州牧楊君原甫侍御滕君吉甫至于采輯事
類監督刊謄則國學生劉君澤鄉進士楊君亘
實任其勞若夫供給板刻之費則出于一時之
區畫而絲毫不敢于民間嘗閱之其立例嚴其

名稱當其考核精其紀載詳而其詞不繁其取其舍一合乎天理人心之公而無少私曲焉其可傳也夫舉墮典以修厥職余之心也字編句摩秉公協心使足以信今傳以成一部之全後書非諸君子之賢其孰能之於余何者焉志總目凡十有四小目五十有七釐為六十卷發凡舉例多本明一統志及八閩通志二書而去取詳畧微有不同開局于壬子之七月至八月而余以入覲事輟今年余歸自京師至七月復開

司又兩閱月而書成云

嘉靖重修府志序

明汪佃

郡邑志類古國史而實不同史載刑賞舉錯祀戎
朝聘盟會之典志則紀郡邑封域沿革民俗土
宜秩官體統之制列國之政日新不窮而郡邑
之制一定無改史辭積久漸繁志文靡所加益
故曰志與史異唯人才盛衰職官更代小有增
紀者爾建居八閩上游溪山清駛秀拔實為雄
郡而志獨缺弘治壬子郡守雲間劉侯璵則因

前守安成劉侯鉞遺草成編然粗畧未脩迄今
幾五十年板刻殘脫嘉靖丁酉郡守姑蘇夏侯
玉麟爰即舊志再加蒐輯且續之于以後既脫
稿未及校勘述職以去予乃重命汪丞玩以屬
三學師生共圖之而道謀作舍迄無成功于是
鄉進士楊世勝鶴齡輩告任請任其事復屬甌
邑司訓朱君幸助之精加讐校補其缺遺正屬
舛謬覈真實會新守姚江王侯正思至協力贊
決始克有成以辛夏守之志予按勘連日而復

借一言于端以為志之體主于善善而無貶辭
 然或曲筆以取諛或許隱以賣直皆不可謂實
 錄至使人弗信弗從史家病焉故有謂舊志為
 宦族家乘者人有列孝友而以分閭訟于官表
 貞節而以下謹聞敗北輿尸而側忠烈之科者
 至今以為口實是編既嚴且公又皆舊志之所
 傳聞耳目之所睹記其灼灼可信而傳也審矣
 後之覩必將曰偽不可是誠不可掩善作於一
 時名顯于身後激厲獎導而覩法焉者多矣矧

建承閩洛之源流為名賢之鄒魯言行述作師
表百世重如昭揭著蔡後生其有關於風化豈
小小哉至于建置之顛委規制之數度物產之
衍縮官方之紀綱稽分野表形勝具存往牒較
有明徵譔次勸讐可坐而集今諸君既留意於
其難況其易者耶自今以往繼守茲郡者得所
資矣予下文舊嘗奉命校書是邦雖中厄弗果
行而寤寐神遊未始或忘乃今一紀起廢竊祿
於茲又復附名末簡以夙願若有數存焉償於

是不辭而為言

天啟重修府志序

建寧為郡陝閩間一奧區也盤紆聳鬱代鍾名賢
靖康而下作孔氏功臣者不勝紀余守建邇嘗
躡西山陟九峯游柘浦挹牧堂文忠諸夫子之
靈泛舟武夷探文公讀書處低徊久之而有感
于建之所以為建也曰是鄒魯之脉也文明之
窟也而猶未也建大儒炳照史乘髮未燥者知
之矣又歷考勲節諸賢或猷宣廟廊或力捍城

邑今人披覽而感憤者抑何多也他不憚述以
宦垂者如李刺史頻于群賊搶攘之際規畫底
定功與梨嶽爭崇我明沙尤盜剽厥有提兵犯
寇捐軀矢石者則太守張瑛其人焉之二公首
載有祀典尸祝無替固皆睦產且皆睦瞽宗也
品其一二而百十睹矣可興可觀猗歆盛哉若
夫疆輿風俗戶口人文災祥兵紀因時制治職
斯土者其可鏡矣志凡五十二卷自弘治迄萬
曆凡四蒐葺矣最後者新建陳公儒南溪羅公

文寶寔警勘焉瞻而裁覈而不隱可補國史所
不逮矣僉曰志成不可無序遂附一言以識不
朽理刑館題名碑記

稽汝沐建寧理刑

理刑之難為理不親受理真受所移檄為理耳凡
郡國所治獄自殊死以下咸旦以上輒具上之
兩臺及監司兩臺及監司意所異同輒下其議
於理官覆讞之大率多因所出入則為理重故
難也烏哺亂翼虞利鷹搏鵩繫虞苛株連羅織
虞濫巧音意制虞忽鉤鉅鉅甬虞啓又匪然者

上有所高下其手而傳於法虞撓下有所左右
其袒而盼於債虞瞋己有所喜怒其衆而遷於
斷虞褊人有所納給其口而蠱於聽虞盭其無
狀之尤者或苞苴及之而倒真焉則下艾民也
甫刑云惟官惟及惟內惟貨惟來惟均而惕惕
焉無或私家惟府辜功報以庶尤者可畏哉可
畏哉然人之稱必曰廉公有威廉生威公生明
獄之道也理操此以往無難矣而理長所患苦
者郡邑吏賢否上人送送寄耳目焉即無所短

渠曰此不憤。即為厚者耳。即有所稱引而非
工所評嚮曰此不睢睢。即為嘗者耳。鄙邑吏賢
否彼自多其能。而有公則德亡。彼自匿其跡。而
有敗則見疑。理即剖肝裂膽。置之五父之衢。而
屬猜者若樊之布棘。射影者若矢之赴的。理所
難益在此。不在彼矣。明興以來。理建州者。毋虞
數十人。有去而躋華。有去而困泥塗。然其為
理時功狀。入人之心。出人之心。或下以其崇卑
輕重。公論當千載如一日也。鄙人鹿鹿無所